

Broj: 05-02-2-306/2023  
Sarajevo, 18.07.2023. godine

FEDERACIJA BOSNE I HERCEGOVINE  
PARLAMENT FEDERACIJE BIH  
DOM NARODA  
n/r sekretara, Izmir Hadžiavić

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Prilijeno: 24-07-2023			
Org. jed.	Broj	Priloga	Vrijednost
05/2	-02-	184	123

**PREDMET:** Odgovor na inicijativu zastupnika Memišević Mehmeda, dostavlja se  
**VEZA:** - akt Vlade Federacije Bosne i Hercegovine broj: 03-04-779/23 od  
06.07.2023. god.;  
- akt sekretara Doma naroda Parlamenta Federacije Bosne i Hercegovine  
broj: 05/2-02-184/23 od 03.07.2023. god.

Federalna uprava civilne zaštite (u daljem tekstu: FUCZ) je preko Vlade Federacije Bosne i Hercegovine zaprimila Inicijativu zastupnika Memišević Mehmeda u Domu naroda Parlamenta Federacije Bosne i Hercegovine, broj i datum navedeni u vezi, koja je upućena Vladi Federacije Bosne i Hercegovine (u daljem tekstu: Vlada Federacije BiH) i kojom se od Vlade Federacije BiH traži „da u što kraćem roku donese odluku o dodjeli sredstava hitne pomoći za ublažavanje posljedica elementarnih nepogoda“, kao i „da u što kraćem vremenskom periodu izdvoji sredstva u iznosu od 500 hiljada KM.“. Zastupnik Memišević takođe konstatuje „da su navedena sredstva neophodna kako bi se sanirali gubici poljoprivrednih proizvođača u Posavskom kantonu... i da je jedan od načina da se pomogne ovim poljoprivrednicima podizanje dobre otkupne cijene“.

Vežano za nadležnost FUCZ kada je u pitanju dodjela finansijskih sredstava općinama/gradovima, odnosno kantonima kao pomoć tokom, te nakon prirodnih i drugih nesreća, Odlukom o uslovima i načinu korištenja sredstava ostvarenih na osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20-u daljem tekstu: Odluka o uslovima i načinu korištenja sredstava posebne naknade) regulisana su sva pitanja koja se odnose na uslove i postupak traženja i dodjele pomoći općinama i kantonima od strane Federacije Bosne i Hercegovine za štete koje nastanu djelovanjem prirodne ili druge nesreće.

Tačkom VI. stav 3. Odluke o uslovima i načinu korištenja sredstava posebne naknade propisano je da u hitnim slučajevima rukovodilac Federalne uprave civilne zaštite može donijeti donošenjem odluke o isplati pojedinačne akontacije u visini od 20.000,00 KM, s tim da zahtjev mora biti dostavljen u skladu sa propisanom procedurom (preko vlada kantona, odnosno kantonalnih komisija za procjenu štete), na propisanim obrascima i kompletnom dokumentacijom. Za iznos isplaćenih akontativnih sredstava, izvršit će se umanjeње konačnog iznosa pomoći koja se kasnije, nakon što komisije za procjenu štete izvrše kompletan postupak procjene štete, te izrade zbirne izvještaje, može zatražiti od viših nivoa vlasti zahtjevom za dodjelu jednokratne novčane pomoći (najkasnije u roku od tri



mjeseca od dana kada nadležno tijelo općine/grada proglasi prestanak stanja prirodne ili druge nesreće).

Rješavanje zahtjeva za dodjelu jednokratne novčane pomoći dio je nadležnosti Federalne komisije za procjenu štete, radnog tijela Vlade Federacije Bosne i Hercegovine koje, između ostalog, Vladi Federacije BiH dostavlja zbirni izvještaj o procijenjenim štetama, te Vladi Federacije BiH i Federalnom štabu civilne zaštite (u daljem tekstu: FŠCZ) predlaže bliže kriterije i prioritete za pružanje jednokratne pomoći kantonima i općinama/gradovima za otklanjanje šteta nastalih od prirodnih i drugih nesreća.

Procedura dodjele jednokratne novčane pomoći je regulisana Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", br. 60/06, 8/10 i 21/14 u daljem tekstu: Odluka o postupku i kriterijima za dodjelu). Sva pitanja koja se odnose na rokove, uslove i postupak traženja i dodjele jednokratne novčane pomoći općinama i kantonima od strane Federacije Bosne i Hercegovine za štete koje nastanu djelovanjem prirodne i druge nesreće, su obuhvaćena odredbama prethodno navedene Odluke.

Konkretno odredbama tačke IV. Odluke o postupku i kriterijima za dodjelu, utvrđeni su uslovi kada se pomoć može tražiti iz sredstava Federacije Bosne i Hercegovine, te je određena i procedura za podnošenje zahtjeva za dodjelu jednokratne pomoći za hitne intervencije i za dodjelu jednokratne pomoći za saniranje šteta.

Zahtjevom općina/grad prvo traži pomoć od vlade kantona, pa ako vlada kantona nije u mogućnosti iz sredstava kantona udovoljiti zahtjevu općine/grada ili je dodijelila samo dio tražene pomoći, u tom slučaju vlada kantona zahtjev općine/grada dostavlja Vladi Federacije BiH, odnosno FŠCZ putem FUCZ, koja taj zahtjev dostavlja Federalnoj komisiji za procjenu štete na nadležni postupak, a koji se provodi na način predviđen navedenom Odlukom.

Rezultati procjene šteta iz zbirnih izvještaja, koriste se upravo za odlučivanje o pružanju pomoći nastradalom području iz sredstava koja se planiraju i obezbjeđuju za saniranje posljedica od prirodnih i drugih nesreća, odnosno iz sredstava ostvarenih na osnovu posebne naknade za zaštitu od prirodnih i drugih nesreća ili sredstava budžeta. Napominjemo još jednom, da zahtjev za dodjelu jednokratne pomoći, zajedno sa zbirnim izvještajem i kompletnom pratećom dokumentacijom, a koje analizira Federalna komisija za procjenu štete, mora biti dostavljen najkasnije u toku od tri mjeseca od dana kada je nadležno tijelo općine/grada, odnosno kantona proglasilo prestanak prirodne ili druge nesreće, a kako je to propisano tačkom VIII. stav 4 Odluke o postupku i kriterijima za dodjelu.

Jednokratna novčana pomoć općinama/gradovima, odnosno kantonima za štete nastale djelovanjem prirodnih ili drugih nesreća se, u skladu sa tačkom II. Odluke o postupku i kriterijima za dodjelu, može dodijeliti iz sredstava posebne naknade (o čemu odlučuje Federalni štab civilne zaštite) i iz Budžeta Federacije Bosne i Hercegovine (o čemu odlučuje Vlada Federacije Bosne i Hercegovine).

Napominjemo da je do izrade ovog Odgovora na zastupničku inicijativu samo Općine Čelić zahtjevom, a u skladu sa propisnom procedurom, zatražila dodjelu akontativnih sredstava, a da se dostava zahtjeva za dodjelu jednokratne pomoći očekuje sredinom oktobra.

Takođe napominjemo da je Vlada Federacije BiH donijela Odluku o odobravanju izdvajanja sredstava iz Tekuće rezerve (V. broj: 709/2023 od



19.05.2023. godine), kojom su Gradu Bihaću, Gradu Bosanska Krupa i Općini Sanski Most odobrena finansijska sredstva u iznosu od po 150.000,00 KM i Općini Ključ finansijska sredstva u iznosu od 50.000,00 KM.

Ova Uprava je, u okviru zaduženja Vlade Federacije BiH, odmah provela sve potrebne procedure i izvršila prenos, odnosno uplatu odobrenih finansijskih sredstava ugroženim gradovima i Općini Ključ, te će takođe vršiti nadzor i kontrolu nad utroškom navedenih sredstava.

S poštovanjem,

**P. O. VLADE FEDERACIJE BIH  
POMOĆNIK DIREKTORA**

Murat Baručija



Dostaviti:

1. **Naslovu,**
2. Vlada Federacije Bosne i Hercegovine, na znanje,
3. Federalno ministarstvo finansija/financija, na znanje,
4. Federalno ministarstvo poljoprivrede, vodoprivrede i šumarstva, na znanje,
5. a/a